

etiam templum & habitatio fit Christi ac Spiritus S. Ad hoc enim illi⁹ cor divinit⁹ per fidem est mundatū, ut Christus in ipso vivat & regnet, illius dico charitas, humilitas & mansuetudo. Ad hoc item datus est illi à Christo Spiritus sanctus, ut largiatur ipsi cor novū, hilare, alacre, & spontaneum, ad faciendum quæ Deo grata & accepta sunt sponte & ex libertate Spiritus. Quæ nova sanctaq; obedientia non ex lege vel mandato, sed ex viva fide oritur; ut rectè dictum sit, *justo non esse legem positam*, puta compulsoriam & serviliter coercentem, ut cunq; præclara regula sit vitæ Christianæ. Vera enim & viva fides facit omnia sponte & ultro, renovat hominem, repurgat cor, amat proximum cum gaudio, sperat & spectat futura, orat, laudat, cōfitemetur, & timet Deum; patiens est, humilis, misericors, amabilis, mansueta, placabilis, compatiens, pacifica, cōdonat facile offensos? esurit ac sitit justitiam, apprehendit Deum cū omni sua gratia, & Christum cū toto suo merito & remissione peccatorum. Quos Spiritus S. fructus & Christum per fidem inhabitantē quisquis in se non experitur, ei sane restat

Deo

*Viva fides
dei proprietas*